

AZKUE BIBLIOTEKA:

Liburuak mailegatzeari buruzko arau osagarriak

Barne Erregela Nagusien arabera *“Euskaltzainek, Herri Aginteen eta Euskal Herriko unibertsitateek eskubidea izango dute, zuzendariaren iritziz utz daitezkeen liburuak maileguz eramateko, hilabeteko epean itzuli beharko dituztelarik”* (9. Art., 1993-9-30). Hortik ondorioztatzen dugu aipaturikoez eskubidea badute, beste guztiek ez dutela. Interpretazio hori berretsi zuten bi urte geroago onartu ziren Barne Arauek, zeinen arabera: *“Ez dago mailegu zerbitzurik eta ezin da ezer kanpora atera”* (Barne arauak, 3. Art., 1995-2-2), alegia, Erregela Nagusietan aipaturikoez gain inork ez du ezer ateratzeko eskubiderik.

Baina mailegu zerbitzua bere osotasunean horrela nahiko ondo mugatuta gelditzen bada ere, beharrezkoa da liburuak ateratzeko eskubidea dutenei buruzkoa apur bat gehiago zehaztea, ezen, idatzita dagoen bezala, 9. artikulua orokorregia da eta nahasketarako bidea eman dezake. Horretara datoz ondoko arauak.

1. Maileguari dagokionez, euskaltzain osoek lehentasuna dute. Mailegu-baldintzak hauexek dira: nahi beste liburu hilabetez.

2. Ohorezko euskaltzainek eta urgazleek ere mailegu eskubidea dute. Mailegu-baldintzak hauexek dira: hamar liburu hilabetez.

3. Euskaltzaindiko batzordeek ere mailegu-eskubidea dute, alegia, hamar liburu hilabetez. Honek esan nahi du batzorde bateko edozein kidek edo languntzailek duela mailegu-eskubidea, beti ere bere batzordean egiten diren lanetan baliatzeko.

4. Euskaltzaindiko batzordeek eskatu ahal izango dute mailegu bereziak egitea bere lanak aurrera eramanez ahal izateko. Mailegu berezi hauek eskuartean izan beharreko liburu multzoek osatuko dute, eta baldintza hauetan emango dira:

4.1. Batzordeburuak egingo du eskaera.

4.2. Kopuruz ez da mugarik izango.

4.3. Maileguaren iraupena gehienez urtebetekoa izango da, ondoren liburuak itzuli beharko direlarik, edo beste eskari idatzi bat egin.

4.4. Liburuen gaineko erantzukizuna batzordeburuarena izango da.

5. Euskaltzaindiko langileek ere mailegu-eskubidea izango dute, alegia, hamar liburu hilabetez, beti ere Euskaltzaindiko lanetan baliatzeko helburuz.

6. Herri Aginteei dagokienez, mailegu-eskariak erakunde bakoitzean horretarako ahala duenak egingo ditu. Bereziki erakusketei dagokienez, erakusketaren katalogoa eskatuko zaie antolatzaileei. Kontuan hartuko da delako erakundeak Euskaltzaindiarekin duen ohiko harremana.

7. Unibertsitatei dagokienez, mailegu-eskaria horretarako ahala duenak egingo du. Kontuan hartuko da delako erakundeak Euskaltzaindiarekin duen ohiko harremana.

8. Eskari guztiak, salbuespenik gabe, idatziz egingo dira, sinatzailea izango delarik maileguaren erantzule.

9. Kasu guztietan, Azkue Bibliotekako zuzendariaren esku dago liburuen mailegua ukatzea. Liburu bitxi eta bereziak kasu berezietan baino ez dira maileguan utziko. Era berean, zuzendariaren esku dago mailegu-epea pasatu aurretik erreklamatzeko, gorago zehaztu denaren arabera.

10. Liburuak berandu itzultzea, bereziki erreklamazioak jaso ondoren, arduragabekeria larritzat hartuko da, behin eta berriro errepikatuz gero mailegu-eskubidea galtzea ekar dezakeelarik.

Azkue Biblioteka batzordeak 98-6-19ko bileran onartua.